



SAMÞYKKT

VELFERÐAR- OG MENNINGARNEFNDAR SVALBARÐSSTRANDARHREPPS

Skipan, fundir og starfshættir

1. gr.

Velferðar- og menningarnefnd Svalbarðsstrandarhrepps heyrir undir sveitarstjórn Svalbarðsstrandarhrepps og starfar í umboði hennar.

2. gr.

Velferðar- og menningarnefnd starfar eftir ákvæðum sveitarstjórnarlaga nr. 138/2011, stjórnssýslulaga nr. 37/1993 og bókasafnslögum nr. 150/2012. Í störfum sínum skal nefndin fara eftir þeim lögum og reglugerðum sem snerta starfssvið hennar, þá skal nefndin og fylgja samþykkt um stjórn og fundarsköp Svalbarðsstrandarhrepps eins og hún er hverju sinni. Fundir Velferðar- og menningarnefndar skulu haldnar fyrir luktum dyrum.

3. gr.

Í Velferðar- og menningarmálanefnd sitja þrír aðalfulltrúar og þrír til vara skv. ákvæðum sveitarstjórnarlaga og samþykktar um stjórn og fundarsköp Svalbarðsstrandarhrepps

4. gr.

Sveitarstjórn tilnefnir aðalmann úr sveitarstjórn sem formann Velferðar- og menningarnefndar og skal nefndin kjósa sér varaformann og ritara á fyrsta fundi eftir skipun hennar.

5. gr.

Formaður nefndar, boðar eða lætur boða til fundar í nefndinni með a.m.k. tveggja sólarhringa fyrirvara og skal dagskrá fylgja fundarboði. Málsgögn skulu varðveitt með tryggum hætti þannig að óviðkomandi fái ekki aðgang að þeim. Boða ber til fundar ef helmingur eða fleiri aðalmenn í nefndinni óska þess. Formaður boðar til fundar eigi sjaldnar en tvisvar sinnum á ári. Boðun varamanna skal vera í samræmi við samþykktir sveitarstjórnar.

6. gr.

Ákvarðanir Velferðar- og menningarnefnd eru ekki bindandi fyrir sveitarfélagið fyrr en þær hafa hlotið staðfestingu sveitarstjórnar, nema lög mæli á annan veg, sbr. t.d. bókasafnslög nr. 150/2012 en nefndin fer með málefni almenningsbókasafna fyrir sveitarfélagið, sbr. 7. gr. samþykktar þessarar. Velferðar- og menningarnefnd er fjölskipað stjórnvald. Fulltrúar hlutast ekki til um starfsemi sveitarfélagsins í málefnum sem falin eru nefndinni nema á fundum hennar. Þó getur nefndin falið fulltrúa að vinna að undirbúningi máls með starfsmanni enda felist engar ákvarðanir í þeirri vinnu. Meginhlutverk nefndarinnar er stefnumótun, en í minna mæli afgreiðsla einstakra mála. Nefndin fer ekki með starfsmannamál.



7. gr.

Hlutverk Velferðar- og menningarnefndar er að vera sveitarstjórn til ráðgjafar, veita umsögn og hafa frumkvæði að tillögugerð í velferðar- og menningarmálum samkvæmt samþykkt þessari og þeim lögum og reglugerðum sem um málaflokkana gilda. Nefndin gerir tillögur að gjaldskrár, samþykktum og reglum er varða þessa málaflokka, sem skulu lagðar fyrir sveitarstjórn. Þá gegnir

nefndin hlutverki stjórnar Bókasafns Svalbarðsstrandarhrepps og fer með málefni almenningsbókasafna fyrir sveitarfélagið, sbr. 8. gr. bókasafnslaga nr 150/2012 og önnur ákvæði laganna og önnur lög og reglugerðir á sviði bókasafna- og upplýsingamála.

Velferðar- og menningarnefnd fer með eftirfarandi málefni:

- Málefni félagsþjónustu, aldraðra og fatlaðs fólks
- Málefni barna og unglinga, önnur en þau sem falin eru barnaverndarnefnd
- Jafnréttismál
- Forvarnir, áfengis- og vímuvarnir
- Málefni lista, viðburða, menningar og safna
- Íþróttar-, lýðheilsu- og æskulýðsmál
- Málefni félagsmiðstöðvar
- Bókasafnsmál

Nefndin annast önnur verkefni á vettvangi velferðar- og menningarmála eftir því sem sveitarstjórn ákveður eða lög mæla fyrir um.

8. gr.

Sé nefndinni ekki falið að taka fullnaðarákvörðun um mál, skv. lögum eða samþykkt þessari, teljast ályktanir hennar tillögur til sveitarstjórnar, enda þótt þær séu orðaðar sem ákvarðanir eða samþykktir nefndar. Slíkar ákvarðanir þurfa staðfestingu sveitarstjórnar.

Um fundarsköp Velferðar- og menningarnefndar

9. gr.

Fundir skulu boðaðir skriflega með bréfi eða tölvupósti með minnst tveggja sólarhringa fyrirvara. Komi upp brýn mál sem krefjast skjótrar úrlausnar Velferðar- og menningarnefnd getur fyrirvari um fundarboðun þó verið skemmri. Í fundarboði skal koma fram staður og tími fundar auk dagskrár fundarins í tölusettum liðum. Fundarboði skulu fylgja öll þau gögn sem fulltrúum eru nauðsynleg til að taka upplýsta ákvörðun í málum sem eru á dagskrá fundarins. Formaður Velferðar- og menningarnefnd eða varaformaður í forföllum hans skal boða fundi



nefndarinnar í samráði við sveitarstjóra. Boðun varamanna skal vera í samræmi við samþykktir sveitarstjórnar.

10. gr.

Sveitarstjóri Svalbarðsstrandarhrepps undirbýr með formanni nefndarmál sem lögð eru fyrir Velferðar- og menningarnefnd og fylgir eftir staðfestum samþykktum og ákvörðunum hennar. Sveitarstjóri sér um samskipti við þjónustuþega, þjónustuaðila og starfsfólk á sviði velferðar- og menningarmála og heldur formanni upplýstum um ný mál og framvindu annarra.

11. gr.

Formaður nefndarinnar stýrir umræðum og atkvæðagreiðslu á fundum. Auk kjörinna fulltrúa í Velferðar- og menningarnefnd á sveitarstjóri seturétt á fundum nefndarinnar með málfrelsi og tillögurétt. Fundir skulu haldnir skv. boðaðri dagskrá. Öll frávik frá henni skulu borin undir atkvæði. Engin mál skulu tekin til meðferðar nefndarinnar án undirbúnings.

12. gr.

Velferðar- og menningarnefnd skal skrá fundargerðir og halda gerðabók. Fundargerð skal skráð með rafrænum hætti skv. samþykkt um stjórn og fundarsköp fyrir Svalbarðsstrandarhrepp. Í fundargerð skal ritari nefndarinnar skrá þau mál sem tekin eru fyrir, dagsetningu þeirra, aðila mála, meginefni og afgreiðslu. Sé mál ekki afgreitt samhljóða skal tilgreina í fundargerð hvernig atkvæði skiptust. Í fundargerð skal skrá ef einstakir fulltrúar víkja af fundi við afgreiðslu máls vegna vanhæfis. Þá skal einnig skrá í fundargerð komi fulltrúi til fundar eftir að hann er hafinn og undir hvaða lið. Sama gildir ef fulltrúi þarf að víkja af fundi áður en honum lýkur. Trúnaðarmál, sbr. 5. og 6. grein upplýsingalaga nr. 140/2012 og 15. – 17. gr. stjórnsýslulaga nr. 37/1993 skal skrá í trúnaðarbók. Í slíkum tilfellum skal skrá vísun til trúnaðarbókar í fundargerð. Færslur í trúnaðarbók skulu undirritaðar á sama hátt og fundargerð.

Um hæfi og skyldur Velferðar- og menningarnefndarmanna

13. gr.

Um hæfi nefndarmanna félagsmálanefndar gilda ákvæði 20. gr. sveitarstjórnarlaga nr. 138/2008, II. kafli stjórnsýslulaga nr. 37/1993 og samþykkt um stjórn og fundarsköp Svalbarðsstrandarhrepps.

14. gr.

Nefndarmönnum er skylt að sækja alla fundi Velferðar- og menningarnefndar nema lögmæt forföll hamli. Sé nefndarmaður forfallaður um stundarsakir skal hann tilkynna eða láta tilkynna forföllin til formanns. Nefndarmenn skulu vekja athygli á hagsmunum sínum eða tengslum við málsaðila sem gætu leitt til vanhæfis. Nefndarmaður skal gæta þagnarskyldu um það sem hann fær vitneskju um í starfi sínu og leynt á að fara vegna einka- eða



almannahagsmuna, samkvæmt lögum eða eðli máls. Þagnarskylda helst áfram eftir að nefndarmaður lætur af þeim störfum. Þetta ákvæði á einnig við um aðra fundarmenn.

Sett með heimild í 40. gr. Samþykktar um stjórn Svalbarðsstrandarhrepps nr. 125

Samþykkt þessi tekur gildi með staðfestingu sveitarstjórnar 12. mars 2025



SVALBARÐSSTRANDAR HREPPUR